

## Nov directur per la GVG

La cumissiun administrativa da l'Assicuranza d'edifizis dal Grischun GVG ha elegì dr. Marc Handlery sco nov directur. Il december 2022 surpiglia el la direcziun da Markus Feltscher che va suenter 13 onns meritadament en pensiun.

Cun Marc Handlery, che ha 48 onns, ha la cumissiun administrativa elegì ina persuna da cader versada e cun experientscha sco directur da la GVG – tut per in edifizi segir. En ses champ d'activitat tutga er la direcziun da la cassa per donns elementars. Actualmain è Marc Handlery anc cussegliader d'interpresa independent tar la Kreis<sup>2</sup> SA, Landquart e manader da fatschenta da la regiun Landquart sco er president dal cussegl administrativ da la esolva sa e da Tardis. Suenter avair terminà il studi d'electroinschigner diplomà a la SPF a Turitg, ha el dissertà en il sectur da la tecnologia d'infurmaziun e da la transmissiun da datas digitala a l'universidad da Lund, Svezia. Cumplementarain a la professiun ha el absolvi diversas furmaziuns supplementaras en ils secturs economia da manaschi e gestiun d'interpresa. Sia carriera cumpiglia staziuns sco la UBS, la Boston Consulting Group e la Hilti. Ultra da quai è el stà cunproprietari e cusseglier d'administraziun da la Gruppa Lazzarini, Samedan ed ha manà pliras IPM svizras sco president dal cussegl administrativ. Sia gronda experientscha da direcziun vegn el a pudair applitgar per diriger cun success ils trais secturs prevenziun, intervenziun ed assicuranza.

El succeda a Markus Feltscher, prof. mag. oec., che va meritadament en pensiun per la fin da december, quai suenter 13 onns sco directur. Durant ses temp ha il grad d'enconuschiantscha da la GVG pudì vegin augmentà e la prevenziun da privels da la natira etablida. Il sistem da premias cumplitgà ha pudì vegin midà en ina premia unitara cun ina unica tariffa e las premias d'assicuranza han pudì vegin reducidas per passa 50 %.

L'Assicuranza d'edifizis dal Grischun (GVG) è ina interpresa innovativa orientada a la clientella cun var 60 collavuraturas e collavuraturs. Ella assicurescha la substansa architectonica grischuna per la valur da nov cunter donns da fieu e cunter donns elementars. Sco center da competenza per la segirezza organisescha l'assicuranza d'edifizis la prevenziun cunter donns da fieu e cunter donns elementars e promova ils corps da pumpiers.

